

RECTOR
 GYMNASII ZITTAVIENSIS,
 EX INDULTU
 LEGUM SCHOLASTICARUM,
FERIAS CA-
NICULARES,

D. XXIV. JUL. MDC LXXIX.

HORIS POMERIDIANIS

INCHOANDAS,
 PUBLICE INDICIT,
 SIMULQ;

AD

PRIVATA ET EXTRAOR-
 DINARIA STUDIA

MELIORIS INDOLIS AV-
 DITORES
 INVITAT.

ZITTAVIÆ
 TYPIS MICHAELIS HARTMANNI.



Sirius indicit Férias.

Dum enim privatis singulorum curis fervent agri,
aliquid negotiis detrahendum publicis.

Sic è labore venit relaxatio,
è negotio otium:

Sic sudante campo, friget oppidum.

Sed miretur aliquis

Scholis etiam Gymnasiis & Academiis placere férias,
quas quidem necessitas indulgit Agricolis,
aut Agricolarum Dominis.

Cur dormiant Eruditi, vigilantibus Rusticis?

Cur Messē suam negligant homines meliores,

Si colligendis frugibus tam strenuè occupantur deteriores?

Demosthenem sanè pudebat otiari, cum sonarent Fabrorum incudes:

An sine pudore exaudiantur stridentes per agrum falces?

Neq; Solis æstus omnino excludit studia,
nisi Majum, nisi Junium, nisi reliquos Menses
Canicularibus adscribere libeat.

Forte sunt discipuli ad paternarum messium custodiam dimittendi:

Sed cur deseruntur omnes,

Si excusatio legitima pertinet ad paucos?

Cur ignaviæ privilegium promulgatur singulis,
si communem otiandi non habent causam?

Forte Præceptores ad agrorum vocantur inspectionem?

Scilicet ampliori prædiorum possessione nunc distrahuntur,
postquam è Monasteriis Pontificiorum,
quibus passim successerunt Scholæ,
tractum simul videtur votum Paupertatis.

Multorum igitur invidiâ laborant feriæ:

qui satius putant discendi consuetudinem servari apud Juvenes,
quam concessis subinde intervallis
eosdem reddi Themistocle perfectiores,
qui frustra sibi exoptasset obliviscendi artem.

Cæ.

Cæterum

Habeat Antiquitas prudentiæ gloriam,
Si communis Europæorum consensus otia probavit.

Eruditi sanè reliquis mortalibus permixti
Messium labore non tanguntur, sed moventur strepitu.

Neq; studiis noxia quies: dummodo tempestiva.

Si Musis aliqua sunt perficienda, cum agit Ceres;
Cur Ceres dormit, metentibus etiam in hiemè Musis?

Suâ cuivis ordini sunt momenta.

Torpeant Agricolaë ad fervorem fornacis in vaporario:

Lentius procedant Scholæ ad æstum Solis in campo.

Pulchrum est cum Demosthene experiri Auroram Musis amicam:

Interim Demosthenes aut homo non fuit,
aut minus durable agnovit, quod careret alterna requiè.

Dormiamus otiosi,

ne somnum non excussum deprehendamus occupati.

Ipsi messorum certis respirationibus pensa sua distinguunt:

Scholæ etiam non habent septimanam,

quin bis meridiem aut otiosum inveniant, aut minus laboriosum.

Quod igitur felix & faustum sit,

HABEAMUS IN FUTURUM MENSEM CANICULARES,

ac matutinis studiis defuncti

filere patiamur post meridiem pulpita publica.

Non repugnabimus aliquos deferri in agros.

Sive enim exercitum leviter corpus animum reddit vegetiorem,

Sive Agricolarum sudor universale laboris Symbolum est,

Sive etiam Eruditos à rerum Oeconomicarum notitia

non decet esse alienos;

erit certè aliquis otii fructus.

Neq; tamen repugnabimus

quietem publicam frangi studiis privatis.

Quo longior enim Scientia, quo brevior vita,
eo promptius obsecundandum discipulis ad ulteriora festinaturis.

Et est vero magnum industriæ incitamentum,

a lectionibus ordinariis

aliquando prolabi ad extraordinaria, specie novitatis gratiora.

Qui-

Quinimo publicus docentium cursus,
fuis quasi cancellis impeditus,
ad maximè necessaria procedere ut plurimum jubetur:
Privata vicissim hæc libertas,
dulci hoc nomine, studiorum novam conciliat dulcedinem.

Proinde

Si qui Præceptores olim sequentur Theologos,
Hebraicæ Lingvæ apud me percipient rudimenta;
qui ex adverso inter Politicos florere cupiunt,
redire me ad Orationes, nuper intermissas, intelligent.

Ac adeo,

Juvenes dilectissimi,
quod nuper in feriis nuptialibus à me promitti meministis,
omnem quietis fructum è vestris profectibus,
omnem vitæ svavitatem è studiis vestris vitæ adsvectis,
omnem deniq; amorem è fœcunda vestra præsencia
metiri constitutum est.

Hoc nimirum fuerit otio non abuti:
Quid? hoc fuerit juvenilibus negotiis
provehentis ætatis meliora præparare otia:

Imo hoc fuerit amare Præceptorem,
Si ab ejus sive latere sive pedibus
ne feriandi quidem licentia vos dimoveat.

HABEAMUS CANICULARES,
Sed quales coluit Majolus, quales Lipsius
Puteanus, Muretus & alii,
quorum præcipua scripta etiam debemus Canicularibus.
Sic Deus feliciter effluere jubeat Menssem hunc,
Messēsq; tum horreis tum ingeniis largiatur
quàm maximè salutare!

